

大字
足本 陳修園醫書四十八種

三星書店發行

S2942/462
1765
1P17

省中藥學委員會簽

編號 11-187 $\frac{17}{24}$



之甚者畏之。此凡方以土補土得同氣相求之義又有炉底補塞之功。

旋覆代赭石湯 旋覆代赭湯甘草半夏人參姜與虛心胸部痞滿噎不除借用膈噎亦能

好。旋覆花一錢五分人參一錢生薑二錢五分半夏一錢炙甘草一錢五分代赭石五分大棗二枚水煎服日三服

此治大邪解後而心下痞鞭之方其不用瀉心者以心下無寒熱之互結故不用苓連乾姜之辛苦只用鹹降之旋覆佐諸藥以補虛散痞下逆期於中病而止也

傷寒真方歌括卷二

陽明上篇方法

邪初傳陽明蕪見頭痛惡寒是太陽表症未罷自汗脈緩宜桂枝湯項背几几者几音几

鳥飛羽短伸頭之貌項背與頭几几然不得舒之甚以陽明主宗筋強硬短縮之象也桂枝加葛根湯主之無汗脈浮宜麻黃湯項

背几几者葛根湯主之或蕪見下利若不下利而嘔宜葛根加半夏湯主之若誤下脈促利不止喘而汗出宜葛根連芩湯主之

有陽明中風蕪見寒熱往來脈弦大胸滿及面目悉黃小便難潮熱時噦與小柴胡湯如脈雙弦心下硬與大柴湯

如太陽之邪已罷悉傳陽明虛煩虛熱咽乾口燥舌上白胎腹滿煩燥懊憹不得安卧以枝子豉等湯吐之急除胃外之熱不使胃家之寔此以吐法為陽明解表之法也

如邪傳陽明如前而大渴大熱大汗脈洪而長為陽明經之本症以白虎湯白虎加人參



湯主之 陽明症煩熱不卧小便不利宜猪苓湯主之 若出汗過多小便不利者不可用此陽明病在經之方法也

桂枝加葛根湯 太陽合病項兒汗出傷風桂葛如薑棗芍甘不嘔粥陽明雖見即改

驅 葛根錢四桂枝芍藥生薑錢各二炙甘草半一錢大棗枚三先煎葛根去沫後入諸藥同煎服覆

微似汗不須啜粥 按此即桂枝症漸深將及陽明故加葛根以斷其前路仍用桂枝以

截其後路尚書云去疾莫如盡此方得之

葛根湯 太陽項背病兒桂葛麻黃因汗無炙甘草棗姜監制用陽明合病亦何虞 葛

根錢四麻黃錢三芍藥錢二生薑錢二炙甘草錢二桂枝錢各二大棗枚四先煮麻黃葛根去沫入諸藥煎服不

須啜粥 此太陽將入陽明若下利則為太陽與陽明合病蓋以風邪入胃主下利也

桂枝葛根湯治將入陽明之有汗此治將入陽明之無汗

葛根加半夏湯 合病應利不下利驗之於嘔還分類葛根湯內半夏加開闔失機升降

治 即前方加半夏二錢 葛根湯升劑也半夏芍藥降劑也太陽陽明兩經皆病開闔

失機故以升降法治之

葛根黃芩黃連湯 誤下脈促利不止外邪內陷熱傳裏葛根甘草並芩連提出太陽喘

汗已 葛根錢四炙甘草錢各一黃連錢一先煮葛根去沫後入諸藥同煎服

小柴胡湯 大柴胡湯 俱見少陽

枝子豉湯 治後汗吐下虛煩不得眠虛為正氣虛煩為邪氣擾懊懷心不安反覆身不安寔

堪憐山梔香豉煎溫服腹胸餘邪一切蠲枝子枝子五七錢香豉錢四先煮枝子後入香豉煮服

得吐止後服枝子苦能涌泄寒能勝熱枝象心而入心豉象腎而入腎煩燥不寧是心

腎之病故以苦寒之枝子得豆豉之腐氣作吐凡一切煩燥懊懷之結於心腹者一吐而

俱解矣

枝子甘草豉湯 即枝豉湯加炙甘草二錢煎服法同上枝子生薑豉湯即枝豉湯加生薑五

錢煎服法同上無物為嘔有物為吐欲止其嘔反令其吐吐之而嘔反止真匪夷所思也

邪內陷熱傷風枝豉湯加甘草二嘔逆去草用生薑姜能散逆精神粹

枝子厚朴只寔湯 腹滿心煩卧不安正虛邪熾上中搏苦寒枝子快胸膈只寔能消厚

朴寬 厚朴薑汁炙只寔枝子五錢水煎服

枝子乾姜湯 誤下陰陽兩受傷乾姜枝子合成湯苦能泄熱解煩滿辛以驅寒並復陽

枝子枝子六七錢干姜五分水煎服

枝子栝皮湯 身黃枝子栝皮湯苦藉甘和甘草良熱達膚間勢外出散邪滲濕兩無妨

枝子枝子六七錢栝皮錢二甘草錢一水煎服

附枝子湯解

按柯韻伯云陽明表症不特發熱惡寒目痛鼻乾等症一切虛煩咽乾口燥舌胎腹滿

煩燥懊懷不得卧凡在胃之外者悉是陽明表症仲景製汗劑是開太陽表邪之出路製枝豉湯吐劑是引陽明表邪之出路但使心腹之濁邪上出於口一吐而心腹得舒表裏之煩熱悉除矣熱傷氣者少加甘草以益氣虛熱相搏者多嘔加生姜以散邪若下後而心腹滿起卧不安是熱已入胃便不當吐故去香豉加只朴以泄滿合枝子兩解心腹之妙又小承氣之輕劑也若以丸藥下之身熱不去知表未解也心下結痛知寒留於中也故任枝子之苦以除熱倍干姜之辛以逐寒然非吐不能以達表故用此以探吐之此又寒熱並用為和中解表之劑矣內外熱熾肌肉發黃必須苦甘之劑以調之栝皮甘草色黃而潤助枝子以除內煩外熱形色之病仍假形色以通之此皆用枝豉加減以禦陽明表症之變幻也韻伯此論誠千古之特見學者宜熟讀之

白虎湯 白虎加人參湯 俱見上太陽救誤篇

猪苓湯 少陰不眠煩嘔逆陽明熱渴欲飲小便赤利水葯中寓育陰阿膠猪苓澤滑石

猪苓

去皮

茯苓澤瀉滑石阿膠錢各一水二杯煎一杯去渣入膠烊化溫服此與五苓散

有天淵之別彼治太陽入本太陽同寒水故以桂溫之此治陽明少陰結熱二經兩關津液故甘涼之葯滋之二症若汗多胃燥即此方亦不可與恐利水傷其液津也

陽明中篇

有太陽陽明因汗吐下利小便亡津液胃中干燥太陽之邪乘胃燥而轉屬陽明致小便

數大便鞭論謂脾約以麻仁丸主之

有少陽陽明病已到少陽法當和解而反發汗利小便亡其津液胃中燥熱轉屬陽明以致大便燥結論謂大便難以蜜煎猪胆汁導之

有太陽陽明陽氣素盛或有宿食太陽之邪一傳陽明遂入胃府致大便不通論謂定以三承氣湯隨輕重下之此陽明病在府之方法也

麻仁丸 素常脾約感風寒須用麻仁潤下丸杏仁大黃黃芩枳朴脾陰得潤胃腸寬

仁二芍藥枳實錢各五大黃厚朴杏仁各一煉蜜丸如梧桐子大飲服十丸漸加以知為度

脾燥宜用緩法以遂脾欲非比胃寔當急下也

蜜煎導方 蜜一杯於銅器內微火煎凝如飴狀取紙撚作挺子以線紮之外以蜜厚包之如指許長二寸微熱納穀道中以手急抱欲大便時乃去之時法醃些皂角末

猪胆汁方 猪胆一枚和醋少許以竹管灌入穀道中如一食頃當大便出宿食惡物甚

效 津液內涸不宜攻須得欲便以法通蜜主潤腸胆泄熱兩方引導有神功

大承氣湯 大黃酒洗錢二厚朴錢四只寔二錢五分芒硝錢二水三杯先煎只寔厚朴至一杯半去渣

內大黃煮取一杯去滓內硝更上微火一兩沸溫服得下勿再服 生者氣銳而先行熱

者氣純而和緩仲景欲芒硝先化燥屎大黃繼通地道而後只朴去其痞滿此本方之前煎法也若小承氣湯則三味同煎即寓微和之意

小承氣湯

大黃

錢四

厚朴

錢二

只寔

水二杯

煎八分

溫服

初服當更衣

不爾者再服

若更

衣勿服

大承氣厚朴倍大黃

是氣藥為君分煎取其後來居上欲急下燥屎也小承氣

大黃倍厚朴是氣藥為臣同煎取其氣味渾勻欲微和胃氣也燥堅痞滿大承氣只朴

硝黃共四味未硬去硝先探試邪輕小寔小承氣

調胃承氣湯

溫溫欲吐心下痛鬱鬱微煩胃氣傷甘草硝黃調胃劑心煩腹脹熱蒸良

大黃

錢四

清酒洗

炙甘草

錢三

芒硝

錢三

水二杯

先煮大黃炙甘草取一杯去渣內芒硝更上微火

煮令沸少少溫服之熱淫於內治以鹹寒芒硝也大淫於內治以苦寒大黃也更佐以

甘草緩硝黃留中泄熱非惡硝黃傷胃而用之也少少服之不使其速下而利也芒硝

解結熱之邪大承氣用之以解已結之熱此用之以解將結之熱

附解按張憲公云承者以卑承尊而無專成之義天尊地卑一形氣也形統於氣故地統

於天形以承氣故地以承天胃土也坤之類也氣陽也乾之屬也胃為十二經之長化糟

粕運精微轉味出入而成傳化之府豈專以塊然之形亦惟承此乾行不息之氣耳湯名

承氣確有取義非取順氣之義也憲公此解超出前人惜其所著傷寒類疏未刊行世憲

公諱孝培古吳人也

陽明下篇

腑症雖有三而陽明之辨所重尤在能食為胃強不能食為胃衰大都能食者皆可攻下

但有緩急之殊惟是不能食者乃有挾虛寒挾結熱之不同虛寒則食穀欲嘔及乾嘔吐涎沫之症宜吳茱萸湯溫之結熱則腹滿不大便譫語而脈濇者當用蜜煎胆導不得拘於府病為陽藥用寒下而禁用溫劑也又有下利後心下痞腸鳴乾嘔者用甘草瀉心湯以葯甘為泄滿法 瘕熱發黃用茵陳蒿湯從小便以逐穢法不可不知也

吳茱萸湯 陽明吐衄喜朱萸姜棗人參却並驅吐利躁煩手足冷吐涎頭痛立功殊

吳萸泡人參各二錢生薑四錢大棗三枚水煎服 此方降濁陰扶生氣俾震坤合德土木不害

甘草瀉心湯 下利腹鳴乾嘔痞大棗苓連姜夏使甘草瀉心湯合宜泄滿降逆斯為美

炙草二錢黃芩乾姜各一錢半半夏一錢黃連五錢大棗二枚水煎服

茵陳蒿湯 黃如橘色腹微滿頭汗刺餘處無汗小便短三倍茵陳枝大黃內外瘵熱如

洗鹽 茵陳六錢枝子五枚大黃二錢水三杯先煮茵陳至杯半後入諸葯煮至八分溫服日三

服小便當利尿如皂莢汁色正赤一宿腹減黃從小便去也 麻黃連豆湯散太陽無汗

之黃若在太陽陽明之間用枝子栝皮湯以清火若在陽明之裏當用此湯以逐穢

傷寒真方歌括卷三

少陽上篇提綱有口苦咽乾目眩之症三者能開能合相火為害故病法當清火

少陽主半表半裏寒熱相雜若邪在半表其寒熱往來於外宜以小柴胡湯解半表之虛邪以大柴胡湯解半表之寔熱若邪在半裏其寒熱相搏於中則為嘔吐腹痛以黃連湯

主之其寒熱互結於心下。則為痞滿嘔逆。以半夏瀉心湯主之。其寒熱相拒於心下。則為拒格。即食入以乾姜黃芩黃連人參湯主之。若邪全入於裏。則胆府受病。胆火下攻於腰。而為自利。有黃芩湯法。胆火上逆於胃。利又兼嘔。有黃芩加半夏生姜湯法。此皆少陽正治方法也。蓋少陽為樞職。司開合而轉運。其樞全賴胃氣充滿。則開合有權。其邪不能內犯。胃氣不振。則關鑰廢弛。邪得出入也矣。

小柴胡湯

脈弦脅痛。小柴胡。夏草姜芩參棗扶和解。少陽為正法。陽明兼症豈殊途。

柴胡

錢四人參黃芩炙草生姜。錢各半半夏。錢二大棗。枚二水二杯煎一杯半。去渣再煎八分。溫服。

此方以二劑合作一劑。方稱原方三服之一。今易作小劑。徇時好也。深於醫者必照古

法。不待余贅。少陽介於兩陽之間。須兼顧三經。故藥不宜輕。去渣再煎者。此方乃和解之劑。再煎則藥性和合。能使經氣相融。不復往來出入。古聖不但用藥之妙。其煎法具有精義。加減法具若胸中煩而不嘔者。去半夏。人參加括藁二錢。若渴者。去半夏。加人參

五分。括藁根二錢。若腹中痛者。去黃芩。加白芍一錢五分。若脇下痞鞭。去大棗。加牡

蠣二錢。若心下悸而小便不利者。去黃芩。加茯苓二錢。若不渴。外有微熱者。去人參。

加桂枝一錢五分。溫覆取微似汗。若欬者。去人參。大棗。生姜加五味子七分。乾姜一錢。

大柴胡湯

脈弦而沉沉有力。相火結熱下宜亟。芩芍棗夏只柴姜。大柴湯是小柴翼。

柴胡

錢四半夏黃芩芍藥。只寔。錢各半生薑。錢二煎法同小柴胡湯。此方本無大黃。所云結。

熱非寔熱也。下解其熱非導其便也。小柴胡湯治半表之虛。此治半表之寔。即小柴胡湯之翼也。今活人書每以此方代承氣湯取大便微利。重在大黃略變仲景之法。不可不知。黃連湯胸中有熱胃邪麗黃連干姜甘草桂人參夏草理陰陽嘔吐腹痛為妙劑。黃連炙草乾姜桂枝錢各一人參分五半夏錢一大棗枚二水煎分二服日三夜二。即柴胡湯以桂枝易柴胡以黃連易黃芩以干姜易生姜此症雖無寒熱往來於外而有寒熱相搏於中所以寒熱攻補並用仍不雜少陽和解法也。

半夏瀉心湯滿而不痛則為痞心膈難開何所以夏草參連芩棗姜宜通膠滯同歡喜

半夏錢三黃芩干姜炙草人參各一分大棗枚二黃連分五水煎溫服

乾姜黃芩黃連人參湯厥陰寒格用于姜吐下芩連是所長誤治致虛參可補分途施

治不相妨人參黃連黃芩乾姜錢各一水煎服入口即吐是火炎之象故苦寒倍於辛

熱但吐下誤後中外之氣索然故以人參補其中氣並以助乾姜之辛衝開格逆而吐止

食入矣凡嘔家夾熱不利於橘半者服此方而晏如

黃芩湯黃芩湯用甘草草太陽少陽合病討下利只須用本方兼嘔姜夏加之好黃

芩錢二炙草芍藥錢各二大棗枚三水煎服日二夜一黃芩加半夏生姜湯即煎湯加半夏

錢二生薑錢三煎服法同二陽合病邪入少陽之裏胆下火攻於脾故自下利上逆於胃故

兼嘔也此湯苦甘相濟調中以存陰也兼嘔者加半夏以降逆生姜以散邪也

少陽中篇

少陽雖有汗吐下三禁而法中又有口不渴身有微熱以微熱驗其表邪尚在去人參加桂枝以取

汗傷寒六七日發熱微惡寒支節煩疼微嘔心下支結支撐也若有物在胸脇間外症未去者以

柴胡桂枝湯汗之下後胸結脇滿微結小便不利渴而不嘔頭汗出邪鬱於經不得外越但升於頭而汗出也

往來寒熱用柴胡桂枝干姜湯以汗之又有柴胡症具而反下之心下滿而鞭痛此為

結胸大陷胸湯主之本柴胡症醫以丸藥下之微利胸脇滿而嘔日晡熱者小柴胡加

芒硝湯下之是汗下之法不可不審用也

柴胡桂枝乾姜湯寒熱往來頭汗出心煩胸脇滿而窒柴苓姜蟬括萸甘花粉桂枝加

減七柴胡錢四桂枝黃芩各一分括萸根錢二乾姜牡蠣炙甘草各一分水煎服初服微灼再服

汗出而愈按本方用乾姜一以散脇之微結一以濟苓萸之苦寒使陰陽和而寒熱已

大陷胸湯 見太陽救誤篇


柴胡加芒硝湯 少陽邪入陽明府日晡熱潮脇滿吐甘夏參苓柴草姜芒硝加上病方

愈柴胡二錢黃芩炙草生姜人參各一分半夏七錢枳實二錢芒硝一錢水煎後入芒硝一二沸服

按胸脇滿而嘔少陽之邪正盛也日晡所發潮熱陽明之熱已結也本宜大柴胡兩解之

因以丸藥誤下強逼滯蘊胃氣大傷大柴胡中有大黃只寔之峻必不堪受不如小柴胡

湯有人參甘草以扶之也加芒硝者勝熱攻堅速下不停無傷胃氣是以峻攻之藥為補養法也



柴胡桂枝湯 太陽末罷少陽多支結煩疼寒熱過津液一通營衛治小柴方內桂枝加

柴胡錢二黃芩桂枝芍藥生薑各八分人參五錢炙甘草二錢棗二枚煎服按此太陽邪輕少陽

邪甚之方故湯名以柴胡為冠也活人往往取代桂枝湯看似變通寔亂仲景之法余推活人所以取代之故以論中有和其營衛以通津液後自愈十一字也

少陽下篇

少陽失治壞症最多非有補天浴日手段不足以語此論云傷寒八九日下之胸滿煩驚小便不利譫語一身盡重不可轉側也柴胡加龍骨牡蠣湯主之

柴胡加龍骨牡蠣湯 太陽誤下心煩驚譫語身沉水不行芩夏參枝柴姜棗茯苓龍牡

定神明柴胡龍骨牡蠣生姜人參茯苓鉛丹黃芩桂枝半夏各一錢五分大棗二枚水煎入大

黃錢二三沸溫服此乃正氣虛耗邪已入裏而復外擾三陽故現症錯雜藥亦隨症施治

真神化無方也今借治癰癩症神效

傳經發明

按宋元以後醫書皆謂邪從三陽傳入俱是熱症惟有下之一法論中四逆白通理中等方俱為直中立法何以謂之直中謂不從三陽傳入徑入三陰之藏惟有溫之一法凡傳經俱為熱症寒邪有直中而無傳經數百年來相沿之說也余向亦深信其然及臨症之久則以為不然直中二字傷寒論雖無明文而直中之病則有之有初病則見



三陰寒症者。即宜大溫之。有初病即見三陰熱症者。即宜大涼之。大下之。是寒熱俱有直中也。世謂直中皆謂寒症者。非也。有謂遞次傳入三陰盡。無寒症者。亦非也。蓋寒熱二氣盛則從化。余按其故則有二。一從病體而分。一從誤藥而變。何則。人之形有厚薄。氣有盛衰。藏有寒熱。所受之邪。每從其人之藏氣而為熱化寒化。今試譬之。於酒。酒取諸水泉。寒物也。酒釀以麴。約又熱物也。陽藏之人。過飲之不覺其寒。第覺其熱。熱性近發。則吐血面瘡。諸熱症作矣。陰藏之人。過飲之不覺其熱。但覺其寒。寒性凝滯。則停飲腹脹泄瀉。諸寒症作矣。知此。愈知寒熱之化。由病人之體而分也。何謂誤藥而變。凡疔下失宜。過之則傷正。而虛其陽。不及則熱熾。而傷其陰。虛其陽。則從少陰陰化之症多。以太陽少陰相表裏也。傷其陰。則從陽明陽化之症多。以太陽陽明遞相傳也。所謂寒化熱化。由誤治而變者。此也。至云寒邪不相傳。更為不經之說。仲景云。下利腹脹滿。身體疼痛者。先溫其裏。乃攻其表。溫裏宜四逆湯。攻表宜桂枝湯。主之。此三陽陽邪傳入三陰。邪從陰化之寒症也。如少陰症下利。白通湯主之。此太陽寒邪傳入少陰之寒症也。如下利清穀。裏寒外熱。汗出而厥者。通脈四逆湯主之。此少陰寒邪傳入厥陰之寒症也。誰謂陰不相傳。無陽從陰化之理乎。

傷寒真方歌括卷四

太陰全篇方法

太陰為溼土。純陰之藏也。故病一入太陰。邪從陰化者多。從陽化者少。從陰化者。如論中
腹滿吐食自利不渴。手足自溫。時腹自痛。宜四逆湯。理中湯之類。主之。從陽化者。如論中
發汗不解。腹滿痛者。急下之。宜大承氣湯。腹時痛者。桂枝加芍藥湯。大寔痛者。桂枝加大黃湯。
理中圓及湯。理中白朮草姜參。益氣驅寒走太陰。只取中焦交上下。辛甘相輔。意殊深。
人參白朮乾姜炙甘草。各等為末。蜜丸。如雞子黃大。以沸湯和一丸。碎溫服之。日三四服。
腹中未熱。益至三四丸。服後如食頃。啜粥然。凡不及湯。又以四味切片。作湯服之。參草
甘以和陰。姜朮辛以和陽。辛甘相輔。以處中。上交於陽。下交於陰。陰陽和順。而百病愈矣。
若臍上築者。腎氣也。去朮加官桂。吐多者。去朮加生姜。下多者。還用朮。悸者。加茯苓。
渴欲飲水者。加朮。腹中痛者。加人參。寒者加乾姜。腹滿者。加附子。
桂枝加芍藥湯。桂枝湯加芍藥一倍。倍芍藥者。能堅桂枝。深入陰分。升舉誤下之邪。出
於陽分。而腹痛自愈。

桂枝加黃湯。桂枝湯加芍藥一倍。大黃七分。倍芍藥者。苦以泄其堅。加大黃者。通以導
其滯也。腹痛。桂枝倍芍藥。大黃只寔更加酌。病從太陽誤下來。仍用太陽方斟酌。

大承氣湯。蓋脾於胃同處腹中。腹痛。腹滿。兩皆有之。然腹滿為太陰病。心下滿為陽明
病。其陽明亦有腹滿者。但陽明腹滿。與熱同化。兼有潮熱自汗。不大便之症。不似太陰與
濕同化。兼有發黃暴煩下利。穢腐之症也。

傷寒真方歌括卷五

少陰症全篇

論云少陰之為病。脈微細但欲寐也。只此二句為提綱。此篇則分析而言之。

少陰腎經水火之臟。邪傷其經。隨人寔虛或從水化而為寒。或從火化而為熱。水化為陰寒之邪。是其本也。火化為陽熱之邪。是其標也。陰邪其脈沉細而微。陽邪其脈沉細而數。至其見証亦各有別。陰邪但欲寐。身無熱。陽邪雖欲寐則多心煩。陰邪背惡寒。口中和。陽邪背惡寒。口中燥。陰邪咽痛不腫。陽邪咽痛則腫。陰邪腹痛下利清穀。陽邪腹痛下利清水或純青色。或便膿血也。陰邪外熱。面色赤。裏寒大便利。小便白。陽邪外寒。手足厥裏熱。大便秘。小便赤。此少陰標本寒熱之脈症也。凡從本之治。切宜溫寒。回陽從標之治。切宜攻熱救陰。其機甚微。總在臨証詳究。辨別標本寒熱。以急施其治。庶克有濟。稍緩則不及矣。

少陰症有化寒化熱兩途。施治不外回陽救陰二法。人固知之矣。而抑知回陽之中。而有兼汗兼溫之異乎。論云。少陰病始得之。反發熱。麻黃附子細辛湯主之。又云。少陰病得之二三日。麻黃附子甘草湯微發汗。以二三日無裏証。故發汗也。蓋二症俱以少陰而得太陽之熱。故用麻黃以發汗。因二症之脈俱沉。用附子以固腎。腎固則津液內守。汗不傷陰。一合細辛。猶麻黃湯急汗之峻劑。一合甘草。猶桂枝緩汗之和劑也。至于嘔逆腹痛。小便不利。用真武湯。背惡寒。用附子湯。晝日煩燥。夜而安靜。用姜附湯。四肢逆冷。用四逆湯。四肢

逆冷而脈細欲絕用通脈四逆湯吐利雖止汗出而厥四肢拘急脈微欲絕者用通脈四逆加豬胆汁湯下利脈微用白通湯利不止厥逆無脈乾嘔煩者用白通加入尿豬胆汁湯吐利手足逆冷煩燥欲死者用吳茱萸湯惡寒脈微而利利止者亡血也用四逆湯加人參湯汗下之後病仍不解煩燥者用茯苓四逆湯已上諸方溫而兼補皆所以回陽也抑又知救陰之中更有補正攻邪之別乎如咽痛用甘草湯桔梗湯半夏散及湯苦酒湯猪膚湯心煩不卧用黃連阿膠湯不眠煩渴小便短赤用猪苓湯陽邪傷陰陰傷不能接陽為四肢逆冷用四逆散下利膿血用桃花湯皆救陰中之補正劑也如口燥咽乾宜急下之自利清水色純青心下必痛口乾燥者可下之六七日腹脹不大便者急下之凡曰急者不可緩之須臾致邪火燦乾津液而死以大承氣湯主之此皆救陰中之攻邪劑也

麻黃附子細辛湯

麻黃細辛

錢各二

附子

錢一

水煎麻黃去沫入諸葯同煎溫服

時師細

辛只用一錢

麻黃附子甘草湯

即前方去附子加炙草二錢

發熱脈遲屬少陰麻黃附子細辛尋

細辛不用加甘草溫腎驅寒用意深

二症俱發熱故俱用麻黃以發汗脈俱沉故俱用

附子以固腎腎固則津液內守汗不傷陰一合細辛猶麻黃湯急汗之法一合甘草猶桂

枝湯緩汗之法也

真武湯

腹痛肢疼欲嘔漉此方真武推神守茯苓芍朮附子姜煨土鎮水各入扣 茯

苓芍藥生薑

錢各三

白朮

錢二

附子

錢一

水煎服

附子壯元陽則水有所主白朮建土氣則水

有所制合芍藥之苦以降之茯苓之淡以泄之生薑之辛以行之總使水歸其壑令人以

行水之劑自為溫補之劑誤矣若嗽者加五味子一錢干姜細辛各五分時法去生薑

若小便利者去茯苓

若下利去芍藥加干姜二錢

若嘔者去附子倍加生薑

附子湯口和脈細背憎寒火灸關元即刻安芍藥人參苓朮附身疼肢冷是神仙附

子人參

錢各二

茯苓芍藥

錢各三

白朮

錢四

水二杯煎八分溫服

此湯藥品與真武相當惟生

熟分兩各異其補陽鎮陰只在一味轉旋學者所當深心體會

乾姜附子湯

晝而煩燥屬陽虛

陽虛有二有喜陽者有畏陽者大抵陰亦虛故反畏陽也見

沉微誤汗餘下後豈容更發汗乾姜附子補偏救干姜附子

錢各三

水煎服

余於活人

百問煩躁症中注此方下陰盛偏安於陰分故夜而安靜何相反至是而不知此言陰虛

者言吾身真陰之虛也彼言陰盛者言陰寒之氣盛也陰陽二字各有所指

四逆湯四逆姜附君甘草除陰回陽為至寶徹上徹下行諸經三陰一陽隨搜討

草

錢二

乾姜

錢一

附子

錢一

生用水

一杯半

煎八分服

生附子乾姜徹上徹下開闢群陰迎陽

歸舍交接十二經為斬旗奪關之良將而以甘草主之者從容籌畫自有將將之能也

此方少陰用以扶元海之陽太陰用以溫藏中之寒厥陰薄厥陰欲立亡非此不救至於

太陽誤汗亡陽亦用之